

06.november 2020

UKA2020/106/40

**106:** Nunap nakkaassinnaaneranut ulorianartorsiulerneq pillugu kalerisaarigasuarsinnaanerup upalungaarsimanissamut piumasaaqaatitigut naammassinninnissamut teknikkikkut atortorissaa-susersornikkut aqutissiuuteqqullugu misissuisoqassasoq Naalakkersuisut peqquneqarnissaan-nik Inatsisartut aalajangiiffigisassaattut siunnersuut. Upalungaarsimanissamut kalerrisaarinissa-mullu aaqqissuussinerit, pilersitap isumannaallisaanikkut sunnitissai aningaasatigullu kinguneri-sassaimissuinerup imarissavaa. Illorsuarni pilersitsinissamik periarfissat misissuinermi immikkut ittumik ilaatinneqassapput. Misissuinerup inernera kingusinnerpaamik Inatsisartunut saqqummi-unneqassaaq UKA 2021-imi.

(Siumup Inatsisartunut ilaasortaaitai)

**40:** Illorsuit aamma Nuugaatsiap ammaqpinneqarnissaannut periarfissanik qulaajaanermik misis-suinermik Naalakkersuisut suliaqarnissaannik Inatsisartut aalajangiiffigisassaattut siunnersuut. Misissuinerup upalungaarsimanermit misissuutit nalunaarasuartaatillu pilersinnerisigut Illorsuit aamma Nuugaatsiap ammaqpinneqarnissaannik qulakkeerinninnissaq nalilersussavaa, tas-sungaannarli killissanani. Misissuineq GEUS-ip nalilersuinerata massakkut ingerlasup naammassi-nerani paasisat piareernerat ilutigaluguingerlanneqassaaq.

(Inatsisartunut ilaasortaq Múte Bourup Egede, Inuit Ataqtigiit)

Siunnersuutit uku marluk assigiingilaaruartut ataatsimoortinneqartumik akissuteqarfigisussan-gorsimavagut, taamaattumik immikkoortinnagit oqaaseqassuugut.

Nunatsinni piffinni 32-usuni silaannaap allanngoriartornerata kingunerisaanik sermip aajuitsup aak-kiartornerata pequtigisaanik nunap sananeqaataatigut ulorianartorsiorfiit piupput, tamanna GEUS-ip nalunaarutigisaani erserpoq.

Siunnersuutigineqartumi Mute Bourup Egedep oqaatigaa Nuugaatsiarmiut uternissaannut tun-ngasoq. Imaassinnaavoq paatsoortoqarsimaneranik tamanna tungaveqartoq, kisianni Nuugaatsiaq uterfigineqarsinnaasutut nalilersorneqarnanilu uterniartunik tusarsimangilanga. Nunaqarfik suujunnaarsinneqarsimavoq innuttaasullu artornartorsioraluarlutik pissutsit paasillugit akuer-saarpaat nunaqarfik najoqqinneqarsinnaangitsoq. Tamanna siunnersuummi tungavilersuutigi-neqarmat oqaatigissuara, iserfiginagulu.

Illorsuarmiullu uteqqinnissaminnut aammalu nunaqarfittut allatuulli ingerlaqqilernissaminnik kissaateqarput. Tamanna qinikkatut saaffigineqartarsimaqaagut minnerunngitsumillu aasaq manna

# Nunatta Qitornai

## Inatsisartuni



augustimi aningaasaqarnermut ataatsimiititaliaq Uummannamiinnitsinni Illorsuarmit naapi-taqarnitsinni saqqummiussiffiqeqarpugut. Saqqummiussisoqarmat apuussanut paasinnippugut, tusarnaarpugut aammalu neriorsuuteqarpugut Inatsisartuni suliarineqalerpat Illorsuarmit uteqqissinnaanerannut tunuliaqutsiilluta suleqataassangatta. Taamaamat maannangaq oqariis-suugut siunnersuutigineqartoq Illorsuarmit utersinnaanerata siunertaralugu suliaq naammasi-neqarnissaanut tunuliaqutsiingatta.

Ukiut pingasunngortuni angerlarsimaffimmut utersinnaaneq imaluunniit utersinnaannginneq kikkunniilluunniit nalornissutigissallugu ilungersunassaqaq, nammineq atugarissallugu takorloorsinnaanngilara. Nalunagu illoqarluni, aalisarfeqarluni, imminut napatilluni, periarfissagissaarluni aammalu uummateqarfialugu tassangaannartumik qimagutsitinneqarnerup nassatarisaanik utaqqinermut inissinneqarneq erloqinermik nassataqarnera paasilluarparput. Ikiukkumavugut akissutisinnissamut aammalu ikiukkumavugut Illorsuarmit uteqqissinnaanerannut aqutissiuussinissamut.

Oqaannarsinnaagaluaaraanni ilumut uterniaritsi, angerlarsinnaanngorpusi aammalu ulorianartoqanngilaq. Kisiannili ajoraluartumik pissutsit sionatigutut inggillat.

Tamatamani assigiinngissutaasoq tassaavoq, maanna sumiiffik ulorianartuusoq nalunnginnatsigu. GEUS misissuisimaneranit oqaatigineqarpoq piffik ima ulorianaateqartigaaq maannakkut oqaatigineqarsinnaanngitsoq Illorsuarmit utersinnaaneranut. Qaqqap sisoorsinnaasup piffianiit sisoortoqaraluarpat Illorsuarmit mallit tikiunnissaannut piffissaasinnaasoq kalerriinarnermilu piffissakippallaarneranik peqquteqartumik utertoqannginnissaannik innersuussisoqarpoq.

Taamatut ilisimasaqartilluta isiginngitsuusaarsinnaanngilarput. Iliuserisinnaasarput tassaavoq, pissutsinik periarfissanillu misissuilluarnissaq, aammalu nutaanik ilisimasaqaleraangatta innuttaasunut eqqugaasunut nalunaaruteqartarnissaq.

Sillimaniarneq eqqarsaatigalugu piffik ulluminngarnit politikikkut pingaernerutingaarlugi inissimatittariaqaraluarpoq. Takorlooriartigu Danmarkimi tamanna pisimagaluarpat tamassa piffimmi kalerriingasuarinnissamut atortorissaarutinik pilerneqareersimassaqisut qularutiginnilarput. Tamannali maani nunatsinni suli tamanna pigilerneqanngilaq aammalu Illorsuarmit sissiuqarannikkut illersuutaasinnaasunik iliuuseqartoqanngilaq kalerriingasuarinnaanermullu periusissianik suli pilersitsisoqarani, Illorsuarmit utersinnaaneranut akissutissarsissutigineqartariaqartut eqqarsaatigalugit. Misigisimanarpoq utaqqisinneqarnissaat aqutissatuatut isigineqartoq.

# Nunatta Qitornai

## Inatsisartuni



Paasinnissinnaassutigarpur naalakkersuisunit ilisimatitsissutigisimasoq covid-19 peqqutaalluni ukioq manna ilisimasaqartut piffimmi nalunaarsuiniarneri marluusut pinngitsoortinneqartut, taamaakkaluartoq sulit tusagaqanngilagut periuseq qanoq ittoq ingerlaffigineqarniarnersoq aammalu Illorsuarmit siunissaq qaninnerusoq ungasinnerusorlu eqqarsaatigalugit isummersorfigisinaasaannik.

Naalakkersuisunut aammalu naalagaaffiup iluani aqqissuussinerit, misissuinerit aammalu perisissianik suliaqaqqusinerit taperserpavut.

Kalerringasuarsinnaanerup aammalu upalungaarsimanissamut piunasaqaatitigut naammassininnissamut teknikkikkut atortorissaarusersornikkut aqutissiuusseqqusinerit paasilluarlugit taperseerujussuarpugut.

Innuttaasut sumiikkaluarpataluunniit sullinneqarnerat sumilu najugaqarsinnaanerinit aaliangiisinaanerit pisinnaatitaaffigisaat ataqqineqarluni suliaq politikikkut salliutinneqarluni ataqqineqarlunilu pinasuartumik naalakkersuisut danskillu naalakkersuisui suleqatigiillutik aqqiisutissat suliarinissaannik tukumasaarivugut.

Siunnersuuteqartut qujanarsuaq taperserlugit ataatsimiititaliamut ingerlateqqipparput.